

**ЎЗБЕКИСТОН РЕСПУБЛИКАСИ СОҒЛИҚНИ САҚЛАШ
ВАЗИРЛИГИ**

Тошкент Педиатрия тиббиёт институти

Нормал физиология кафедраси

ОЧИҚ МАЪРУЗА

**Тузувчи: Нормал физиология кафедраси доценти, тиббиёт
фанлари номзоди А.А. Абдумажидов**

**Мавзу: МАРКАЗИЙ НЕРВ ТИЗИМИНИНГ УМУМИЙ
ФИЗИОЛОГИЯСИ. НЕРВ МАРКАЗЛАРИ ВА
УЛАРНИНГ ХОССАЛАРИ, МАРКАЗИЙ НЕРВ
ТИЗИМИ ИНТЕГРАТИВ ФАОЛИЯТИНИНГ
УМУМИЙ ТАМОЙИЛЛАРИ**

Тошкент – 2007

Мавзу: Марказий нерв тизимининг умумий физиологияси. Нерв марказлари ва уларнинг хоссалари, Марказий нерв тизими интегратив фаолиятининг умумий тамойиллари.

Мақсад: Марказий нерв тизимининг организмни мослашув фаолиятидаги роли, нерв марказларининг хоссалари ҳақида талабаларга маълумот бериш.

Маъruzанинг вазифаси ва режаси:

1. Нейрон – МНТнинг тузилма-фаолий бирлиги.
2. Нерв марказлари ҳақида тушунча.
3. Нерв марказида қўзғалишларнинг ўтказилиши, қўзғалишларнинг қўшилиши, дивергенция, конвергенция, иррадиация, окклюзия, доминанта, тормозланиш ва ҳ.к.
4. МНТ интегратив фаолиятининг тамойиллари.

Марказий нерв тизимининг тузилиши ва функцияси ҳақидаги замонавий дунёқарааш асосида нейрон назарияси ётади. Нейрон назариясига биноан, МНТ га яхлит бир синцитий сифатида эмас, балки алоҳида ҳужайра элементлари – нейронларнинг функционал бирлашмаси сифатида қаралади. Нейрон назариясининг яратилиши ва тан олинишида испан нейрогистологи Р.Кахал ва инглиз нейрофизиологи Ч.Шеррингтонларнинг тадқиқотлари катта роль ўйнади.

Нерв тизимининг асосий тузилма элементи нерв ҳужайраси ёки нейрондир. Ҳар бир нейронда қўйидаги асосий қисмлар тафовут қилинади: тана ёки сома, дендритлар, аксон ва аксоннинг пресинаптик охири. Ушбу элементларнинг ҳар бири маълум вазифаларни бажаради. Нейрон танасида ядро, рибосималар, эндоплазматик ретикулум, Гольджи аппараати, митохондриялар бор. Ҳужайра танасидан дендритлар ва аксон бошланади. Дендритлар шоҳсимон тармоқланган ўсимталар. Улар перифериядан келаётган импульсларни нейроннинг танасига ўтказиб беради. Аксон эса ҳужайра танасидан импульсни периферияга ўтказиб беради. Аксон охирлари импульсни бошқа нейронларга ёки ижрочи аъзога ўтказишга мослашган.

Нейронларнинг турлари

Нерв ҳужайраларини таснифлаш бир қанча тамойилга асосланган. Нерв ҳужайрасидан бошланувчи ўсиқлар сони турлича бўлиши мумкин. Шунга асосан униполяр, биполяр ва мультиполляр нейронлар тафовут қилинади. Униполяр нейронлар асосан умуртқасиз ҳайвонларнинг нерв тизими учун хос. Умуртқали ҳайвонларнинг нерв тизимида биполяр ва мультиполляр нейронлар учрайди.

Рефлекс ёйида жойлашишига ёки вазифасига кўра нейронларнинг 3 та асосий типи фарқланади: афферент, оралиқ ва эфферент.

Нейронлар қўзғалганда, уларда рўй берувчи жараённинг характеристига биноан қўзғатувчи ва тормозловчи нейронлар ажратилади.

Нейронларнинг сомаси 5-100 мк, ўсиқларининг диаметри 1-10 мк, узунлиги бир неча ўн мк дан 1 метргача етади.

Нейроглия

Нерв хужайралари ва уларнинг ўсиқлари орасидаги камгак маҳсус хужайралар билан тўлган. Уларни глиал хужайралар ёки глия деб номланади. Глиал хужайраларнинг сони нейронларнинг сонидан 5-10 баравар ортиқ бўлиб, уларнинг иккита тури – олигодендроцитлар ва астроцитлар фарқланади. Глиал хужайралар қўйидаги вазифаларни бажаради:

1. Таянч вазифаси.
2. Миелин қобиқни ҳосил қилиш.
3. Нейронлар аро фазони медиаторлар ва ионларнинг ортиқча қисмидан ҳалос этиш.
4. Ҳимоя вазифаси. Астроцитлар мия капиллярларидаги қон билан нейронлар ўртасида гамато-энцефалик тўсиқни ҳосил қиласди.
5. Трофик ёки озиқлантириш вазифаси.
6. Хотира механизмларида қатнашади.
7. Миянинг шикастланган қисмини регенерациясида қатнашади.
8. Миянинг шикастланган соҳасидан заҳарли моддаларни мия нинг бошқа соҳаларига тарқалашига йўл қўймайди.

Глиал хужайраларни нейронлардан ажратиб турувчи бир қанча муҳим ҳоссалари бор:

1. Глиал хужайралар бўлиниш қобилиятини сақлаб қолган, нейронлар эса бўлина олмайди;
2. Нейронлар ҳаракатлана олмайди, глиал хужайралар эса ўз ўсиқлари билан нейронларни “пайпаслаб”, фаол ҳаракат қиласди;
3. Нейронлар ўз шаклини ва ўлчамларини ўзгартирмайди, олигодендроциатлар эса гоҳ катталашиб, гоҳ кичиклашиб туради;
4. Глиал хужайралар анча катта (-80-90 мВ) мембрана потенциалига эга бўлсада, уларда ҳеч қачон ҳаракат потенциали вужудга келмайди.

Синапслар, уларнинг тузилиши ва таснифи

“Синапс” тушунчасини физиологияга инглиз физиологи Ч.Шеррингтон томонидан 1897-йилда нейронлар орасидаги функционал контактни белгилаш учун киритилган эди. Синапс мураккаб тузилма бўлиб, унда пресинаптик, постсинаптик звенолар ва улар орасида синапс йириғи бор.

Синапсларни таснифлашда қуидаги тамойилларга асосланилган:

1. Синапснинг қурилишида иштирок этувчи хұжайраларга қараб:
 - а) нерв-мускул;
 - б) нейро-нейронал;
 - в) нейрон билан ички аъзо ўртасида;
 - г) нейрон билан без ўртасида
2. Синапсни ҳосил қилишда нейроннинг қайси қисми қатанашаёттанига қараб:
 - а) аксо-соматик синапс;
 - б) аксо-аксонал синапс;
 - в) аксо-дендритик синапс;
3. Синапслар фаоллашганда ривожланадиган жараённи күзда тутиб:
 - а) қўзғатувчи;
 - б) тормозловчи
4. Синапс орқали қўзғалишининг ўтиш услубига кўра:
 - а) электр синапслар;
 - б) кимёвий синапслар;
 - в) аралаш синапслар

Электр синапс билан кимёвий синапс орасидаги фарқлар

Электр синапс	Кимёвий синапс
1. Синаптик ушланиш йўқ	1. Синаптик ушланиш 0,2-0,5 мс
2. Қўзғалиш икки томонлама ўтказилади	2. Қўзғалиш бир томонлама, яъни пресинаптик мемранадан постсинаптик мемранага ўтказилади
3. Фақат қўзғатувчи бўлиши мумкин	3. Ҳам қўзғатувчи, ҳам тормозловчи бўлиши мумкин
4. Ҳарорат ўзгаришларига сезгир	4. Ҳарорат ўзгаришларига сезгир эмас
5. Нерв тизими содда тузилган организмларга хос. Бироқ оз миқдорда юқори тарақкий этган организмларда ҳам учрайди	5. Одамда ва юксак тарақкий этган организмлар учун хос

Кимёвий медиаторлар

Медиаторнинг номи	Ҳосил бўлиш жойи	Таъсири
Ацетилхолин	Соматик нерв охирларида, постгангионар парасимпатик нерв	Қўзғатувчи ёки тормозловчи

	охирларида, симпатик ва парасимпатик нервларнинг преганглионар тола охирларида, орқа мия ва бош мияда	
Катехоламиналар: а) норадреналин б) адреналин в) дофамин	Постганглионар симпатик нерв охирларида, бош мия ва орқа мияда, ўрта мияда, пўстлок ости ядроларида	Қўзғатувчи ёки томозловчи
Серотонин	Мия стволида	Қўзғатувчи ёки томозловчи
Нейтрал аминокислоталар: глутамат, аспартат	Бош ва орқа мияда	Қўзғатувчи
Нордон аминокислоталар: ГАМК, глицин	Бош ва орқа мияда	Тормозловчи
Нейропептидлар: энкефалинлар, эндорфинлар, гипоталамус нейрогормонлари	Бош ва орқа мияда	Қўзғатувчи ва томозловчи. Бундан ташқари бошқа синапслар фаолиятини бошқариши мумкин, яъни модуляторлар ҳисобланади

Қўзғатувчи постсинаптик потенциал (ҚПСП)

Нерв толасининг пресинаптик охиридан ажralиб чиқсан медиатор синапс йириғига чиқади. Медиатор постсинаптик мемранага диффузияланиб ўтади ва унинг структура компонентлари билан ўзаро таъсир этади. Натижада постсинаптик мембрана деполяризацияланиб, қўзғатувчи постсинаптик потенциал (ҚПСП) вужудга келади. Бу потенциал критик даражага етган пайтда хужайрада тарқалувчи қўзғалиш вужудга келади.

Тормозловчи постсинаптик потенциал (ТПСП)

МНТ да қўзғатувчи нейронлар билан бир қаторда тормозловчи нейронлар ҳам бор. Тормозловчи нейронлар қўзғалганда пайдо бўладиган нерв импульслари одатдаги қўзғатувчи нейронларнинг ҳаракат потенциалидан фарқ қилмайди. Аммо тормозловчи нейронларнинг нерв

охирларида ажралиб чиқадиган тормозловчи медиатор постсинаптик мембранны деполяризацияламай, аксинча, гиперполяризациялади. Ана шу гиперполяризация тормозловчи постсинаптик потенциал (ТПСП) деган мусбат электр зарядли түлкін шаклида қайд қилинади. Тормозловчи постсинаптик потенциал құзғатувчи потенциални сусайтиради.

Нерв марказлари

Маълум рефлексни амалга ошириш ёки бирор функцияни бошқариш учун ихтисослашган нейронлар түплами *нерв маркази* деб аталади.

Нерв марказлари қатор характерли хоссаларга эга. Ушбу хоссалар нерв импульсининг синапслар орқали ўтказилиш хусусиятларига ва ана шу нерв марказини ташкил этувчи нейронлар занжирининг тузилишига боғлиқ.

1. **Нерв марказида құзғалишнинг бир томонлама ўтказилиши.** Нерв марказларида құзғалиш бир томонлама, яъни афферент нейрондан оралиқ нейронга, ундан эса эфферент нейронга ўтказилади.
2. **Құзғалишни түхтаб ўтказиш.** Афферент тола бўйлаб юқори тезлик билан келаётган импульс синапс соҳасига келганда маълум вақт түхтаб қолади. Құзғалишнинг марказ ичида афферент нейрондан эфферент нейронга ўтказиладиган вақти рефлекснинг марказий ёки чин вақти дейилади Моносинаптик рефлекс ёйларида бу вақт 1,5-2 мс га teng.
3. **Құзғалишлар ритмининг ўзгариши (трансформация).** Табиий шароитда маълум нерв марказига афферент толалар бўйлаб келаётган импульслар частотаси билан эфферент толалар бўйлаб кетаётган импульслар частотаси ўртасида фарқ мавжуд. Демак нерв марказлари ўзига келувчи импульслар ритмини ўзгартира олади.
4. **Нерв марказларининг чарчаши.** Невр марказларининг чарчаши нейронлараро синапсларда құзғалиш ўтишининг бузилиши билан боғлиқ. Бунга нерв охирларида медиатор миқдорининг кескин камайиб кетиши, постсинаптик мембраннынадаги рецепторлар сезгиригининг камайиши, синапс фаолиятини энергия билан таъминловчи моддаларнинг камайиши сабаб бўлади.
5. **Нерв марказларининг тонуси.** Нерв марказлари тинч ҳолатда бўлганда ҳам ишчи аъзоларга узлуксиз равища сийрак импульслар юбориб туради.
6. **Нерв марказларининг кислород етишмовчилигига сезгирилиги.** Нейронлар кислород танқислигига ниҳоятда сезгири. МНТнинг турли қисмларидаги нейронларни кислород етишмовчилигига чидашида фарқ бор. Масалан, катта ярим шарлар пўстлоғидаги нейронлар қон айланиши түхтатилгач, 5-6 минутдан кейин нобуд бўлади, орқа мия нейронлари эса 20-30 минутдан кейин ҳам ўз фаолиятини тиклаши мумкин.
7. **Нерв марказларининг баъзи заҳарлар ва дориларга сезгирилиги.** Одамнинг рухиятига, кайфиятига таъсир қиласидиган, ухлатадиган, оғриқ

қолдирадиган, қустирадиган ёки қусишга қарши, тутқаноққа қарши ёки тириширадиган дорилар қадимдан маълум.

8. **Нерв марказида қўзғалишларнинг қўшилиши (суммация).** Нерв марказида қўзғалишларнинг қўшилишини биринчи марта 1863-йилда И.М.Сеченов тасвир этган. Кейинчалик Шеррингтон, И.П.Павлов ва Экклс томонидан ўрганилган.

Суммация қўйидагича намоён бўлади: афферент нерв толасини ёки рецепторни таъсиrlаш частотасини маълум даражага оширилганда, ёхуд таъсиrlанувчи нерв толалари ёки рецепторлар сонини оширилганда рефлектор жавоб реакциясининг кучи ортади. Суммациянинг иккита тури мавжуд: кетма-кет суммация ва фазовий суммация. Невр марказига битта афферент тола орқали калта интервал билан кетма-кет келувчи қўзғалишларни ўзаро таъсири кетма-кет суммация деб аталади.

Бир рецептив майдонга кирадиган турли рецепторларга иккита ёки бир нечта стимул бир вақтда таъсири этса, қўзғалишлар масофада қўшилади.

9. **Дивергенция.** МНТдаги ҳар бир хужайра турли нейронлар билан кўплаб синапслар ҳосил қиласди. Масалан, мияча пўстлоғидаги Пуркинье хужайраларида 200000 гача синапс бўлиши мумкин. Нейроннинг турли нерв хужайралари билан кўплаб синапслар ҳосил қила олиш қобилиятига дивергенция дейилади. Дивергенция жараёнига асосланиб, битта нерв хужайраси турли нерв реакцияларида қатнашиши, ҳамда кўп сонли бошқа нейронларни назорат қилиши мумкин.

10. **Конвергенция.** МНТ га турли афферент толалар орқали келувчи импульслар оралиқ ёки эфферент нейронларга тушиб, йиғилиши мумкин. Бунга конвергенция дейилади. МНТ да ҳар бир нейроннинг танасида ва дендритларида бошқа бир талай нерв хужайраларининг аксонлари тугайди. Нерв импульсларининг ковергенцияси шу билан изоҳланади.

11. **Умумий охирги йўл.** Бир рефлексор актни турли рецептор аппаратларига таъсири этувчи бир талай ҳар хил таъсиrotлар юзага чиқариши мумкин. Буларнинг ҳаммаси бир нейроннинг ўзи кўпгина рефлекс ёйларининг таркибига киришини кўрсатади. Эффектор нейронлар келиб чиқиши жиҳатдан хилма-хил рефлексларнинг умумий охирги йўлини ҳосил қиласди ва организмнинг ҳар қандай рецептор аппаратлари билан боғлана олади.

12. **Иrrадиация.** Кучли ва узоқ таъсиrotда МНТ га келувчи импульслар шу рефлексор марказ нейронларинигина эмас, бошқа нерв марказларининг нейронларини ҳам қўзғата олади. МНТ да қўзғалишнинг бундай тарқалиши иррадиация деб аталади.

13. **Окклиюзия.** Окклиюзия ёки тиқилиб қолишнинг моҳияти шундаки, афферент толаларнинг икки гурухи бир вақтда таъсиrlанганда кузатиладиган натижа миқдор жиҳатдан алоҳида олинган шу рефлекслар миқдорининг арифметик йиғиндисидан камроқ бўлади.

- 14. Доминанта.** Доминанта тамойилини А.А.Ухтомский тасвир этган. Ушбу тамойилга асосан, организм яшайдиган табиий шароитда нерв тизимининг яхлит бир бутун бўлиб ишлаши учун доминант, яъни устун қўзғалиш ўчоқларининг борлиги характерлидир. Бу қўзғалиш ўчоқлари бошқа хамма нерв марказларининг ишини ўзгартиради ва гўё ўзига бўйсундиради. Ухтомскийнинг маълумотларига кўра доминанта ўчоги қуидаги хоссаларга эга: 1. Юқори қўзғалувчанлик; 2. Қўзғалишнинг турғунлиги; 3. Қўзғалишларни қўшиш қобилияти; 4. Инерция, яъни қўзғалишни стимул тамом бўлгандан кейин ҳам узоқ ушлаб туриш қобилияти.
- 15. Нерв марказида тормозланиш ҳодисаси.** Марказий тормозланиш ҳодисасини биринчи бўлиб 1862-йилда И.М.Сеченов кашф этган Тормозланиш ҳодисасининг МНТ барча бўлимлари фаолиятида роль ўйнашини Ч.Шеррингтон, Н.Е.Введенский, А.А.Ухтомский ва кўпгина тадқиқотчилар кўрсатиб беришди.
Ҳозирги вақтда тормозланишнинг иккита тури – бирламчи ва иккиламчи тормозланиш тафовут қилинади. Бирламчи тормозланиш юзага чиқишида маҳсус тормозловчи тузилмалар иштирок этади ва бу тормозланишдан олдин қўзғалиш жараёни кузатилмайди. Бирламчи тормозланишга пресинаптик тормозланиш, постсинаптик ёки қайтар тормозланиш ва пайваста ёки реципрок тормозланиш мансуб. Иккиламчи тормозланишда маҳсус тормозловчи структуралар қатнашмайди ва бу томозланишдан олдин қўзғалиш жараёни кузатилади. Пессимал тормозланиш ва қўзғалишдан кейинги тормозланиш иккиламчи тормозланишга киради.